

ქ. თბილისი

27 ივნისი 2018 წელი

ერთის მხრივ სსიპ „საგანმანათლებლო და სამეცნიერო ინფრასტრუქტურის განვითარების სააგენტო“ მისი დირექტორის მოვალეობის შემსრულებლის გიორგი შალუტაშვილის სახით, მისამართი: ქ. თბილისი, ალექსიძის N1, შენობა-ნაგებობა N1, მე-2 სართული, ს/კ 202294980; სახელმწიფო ხაზინა, ა/ა 200122900, კოდი: 220101222 (შემდგომში "შემსყიდველი") და მეორეს მხრივ შ.პ.ს. „სეზანი“ მისი დირექტორის ტარიელ შავერდაშვილის სახით, მისამართი: ქ. თბილისი, ვირსალაძის N8; ს/კ 203862551; ბანკის კოდი: TBCBGE22, ა/ნ GE41TB0600000101467640; ტ: 32 35 70 02 (შემდგომში "მიმწოდებელი") შორის და მიღწეულ იქნა ურთიერთშეთანხმება შემდეგზე: 2018 წლის სახელმწიფო ბიუჯეტის დაფინანსების ფარგლებში (ორგანიზაციული კოდი: 32021303 - ზოგადი განათლების ხელშეწყობა - სსიპ საგანმანათლებლო და სამეცნიერო ინფრასტრუქტურის განვითარების სააგენტოს განკარგვა) შემსყიდველმა გამოაცხადა NAT180008616 ელექტრონული ტენდერი აუქციონის გარეშე 39 000 ცალი მოსწავლეთა გაკვეთილზე დასწრების აღრიცხვის ჟურნალის ბეჭდვის მომსახურების სახელმწიფო შესყიდვაზე (კლასიფიკატორის (CPV) კოდები: 79800000 - ბეჭდვა და მასთან დაკავშირებული მომსახურებები, 79823000 - ბეჭდვა და ადგილზე მიწოდება) და მიიღო მიმწოდებლისაგან სატენდერო წინადადება შემდეგ თანხაზე: 90 850.00 (ოთხმოცდაათი ათას რვაასორმოცდაათი) ლარი, დღგ-ს ჩათვლით (შემდგომში "ხელშეკრულების ფასი").

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.
- 1.6. „საქონელი/მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. 39 000 ცალი მოსწავლეთა გაკვეთილზე დასწრების აღრიცხვის ჟურნალის მოწოდება.
- 2.2. ხელშეკრულებით გათვალისწინებული საქონლის/მომსახურების პირობები, ერთეულის ფასები და აღწერილობა მოცემულია ტექნიკურ დავალებაში, დანართი №1, რომელიც წარმოადგენს ხელშეკრულების განუყოფელ ნაწილს.

3. ხელშეკრულების მოქმედების ვადები

- 3.1. ხელშეკრულება ძალაში შედის გაფორმების დღიდან და მოქმედებს 2018 წლის 26 აგვისტოს ჩათვლით.

4. ხელშეკრულების ჯამური ღირებულება

- 4.1. ხელშეკრულების ჯამური ღირებულება შეადგენს: 90 850.00 (ოთხმოცდაათი ათას რვაასორმოცდაათი) ლარს.
- 4.2. ხელშეკრულების ჯამური ღირებულება უნდა შეიცავდეს შემსრულებლის მიერ საქართველოს მოქმედი კანონმდებლობით გათვალისწინებულ ყველა გადასახადს და მიწოდების ხარჯებს.

5. საქონლის/მომსახურების მიწოდების/გაწევის წესი და ადგილი

- 5.1. მიმწოდებელი ვალდებულია გაუწიოს შემსყიდველს ამ ხელშეკრულების 2.1. პუნქტში მითითებული შესყიდვის ობიექტთან დაკავშირებული უნაკლო და ხარისხიანი მომსახურება.
- 5.2. მიმწოდებელი ვალდებულია ბეჭდვის მასალებში გამოიყენოს ჯანმრთელობისთვის უსაფრთხო და ეკოლოგიურად სუფთა მასალები, რაზედაც ხელშეკრულების გაფორმებიდან არაუგვიანეს 5 დღისა უნდა წარმოადგინოს უფლებამოსილი ორგანოს მიერ გაცემული სათანადო დოკუმენტაცია. აღნიშნული დოკუმენტის წარმოდგენლობის შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების საერთო ღირებულების 5%-ის ოდენობით.
- 5.3. მოსწავლეთა გაკვეთილზე დასწრების აღრიცხვის ჟურნალების მოწოდება უნდა განხორციელდეს სათანადო შეფუთვით (პოლიეთილენი ან ქაღალდი).
- 5.4. ხელშეკრულებით გათვალისწინებული ვალდებულების შესრულების ადგილია ქ. თბილისი, ხოლო მოწოდება განხორციელდება მისამართზე: ქ. თბილისი, იუმაშევის ქ. N4;
- 5.5. მიმწოდებელი ვალდებულია ყოველი მიწოდებისას წარმოადგინოს შესაბამისი კვალიფიკაციის მქონე ექსპერტის დასკვნა (რომლითაც უნდა დადასტურდეს მოწოდებული საქონლის შესაბამისობა სააგენტოს მიერ მოთხოვნილ მახასიათებლებთან მიმართებაში), რის შემდეგაც მოხდება მიღება-ჩაბარების აქტის გაფორმება. დასკვნის წარმოდგენის ვალდებულება და შესაბამისი ხარჯის გაწევა ეკისრება მიმწოდებელს.
- 5.6. შემსყიდველი უფლებამოსილია საჭიროების შემთხვევაში მიმწოდებელს მოსთხოვოს დამატებითი კვლევის ჩატარება სსიპ ლევან სამხარაულის სახელობის სასამართლო ექსპერტიზის ეროვნულ ბიუროში. ასეთ შემთხვევაში, შესაბამისი ხარჯის გაწევა ეკისრება მიმწოდებელს;
- 5.7. თუკი ხელშეკრულებით გათვალისწინებული საქონელი/მომსახურება აღმოჩნდება წუნდებული/ხარვეზის მქონე, მიმწოდებელი ვალდებულია, საკუთარი ხარჯებით გამოასწოროს ეს ნაკლი შემსყიდველის მოთხოვნისთანავე, მაგრამ არაუმეტეს 3 (სამი) კალენდარული დღისა, რა პერიოდშიც იგი ყოველ ვადაგადაცელებულ დღეზე იხდის პირგასამტეხლოს ხელშეკრულების 10.4 პუნქტით დადგენილი პირობის შესაბამისად.
- 5.8. მიმწოდებელი იღებს ვალდებულებას მისთვის დაუძლეველი გარემოებების დადგომისას, რითაც საფრთხე შეექმნება ვალდებულების შესრულებას, დაუყოვნებლივ გამოახოს ალტერნატიული გზები და საშუალებები ხელშეკრულებით ნაკისრი ვალდებულების შესასრულებლად, წინამდებარე ხელშეკრულებით გათვალისწინებული პირობებისა და ვადების დაცვით.
- 5.9. ხელშეკრულების შეწყვეტის შემთხვევაში, მიმწოდებელი იღებს ვალდებულებას, იმ დროისთვის დასრულებული (მზა) პროდუქცია სრულად გადასცეს შემსყიდველს.

6. საქონლის/მომსახურების მიწოდების/გაწევის ვადები

- 6.1. შესყიდვის ობიექტის მიწოდება შესაძლებელია ეტაპობრივად, ხელშეკრულების გაფორმებიდან 30 (ოცდაათი) კალენდარულ დღეში, 2018 წლის 26 ივლისის ჩათვლით.

6.2. მიმწოდებელი ვალდებულია შემსყიდველის წერილობითი შეტყობინების მიღებიდან გონივრულ ვადაში, მაგრამ არაუგვიანეს 10 კალენდარული დღისა დამატებით განახორციელოს წინამდებარე ხელშეკრულების დანართი N1-ში მითითებული შესყიდვის ობიექტიდან ნებისმიერი სახის მოსწავლეთა გაკვეთილზე დასწრების აღრიცხვის ჟურნალის მოწოდება, შესაბამის სახეობაზე ერთეულის ფასის შენარჩუნებით.

7. ანგარიშსწორების ფორმა და წესი

7.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

7.2. ხელშეკრულების ფარგლებში შესაძლებელია განხორციელდეს სამი სახის ანგარიშსწორება: საავანსო, ეტაპობრივი, საბოლოო;

7.3 სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ს ხელმძღვანელის გადაწყვეტილებით, საავანსო ანგარიშსწორება შესაძლებელია განხორციელდეს მიმწოდებლის მოთხოვნის საფუძველზე, ხელშეკრულების ჯამური ღირებულების 100%-ის ოდენობით, რაზეც წარმოდგენილი უნდა იქნას მხოლოდ საბანკო დაწესებულების მიერ გაცემული საბანკო გარანტია. გარანტიის მოქმედების ვადა 30 კალენდარული დღით უნდა აღემატებოდეს ხელშეკრულების მოქმედების ვადას. უცხოური ბანკიდან საბანკო გარანტიის წრმოდგენის შემთხვევაში მათთან ერთად მიმწოდებელმა უნდა წარმოადგინოს ზემოაღნიშნული საბანკო გარანტიის საფუძველზე საქართველოში აკრედიტირებული საბანკო დაწესებულების მიერ გაცემული „კონტრ გარანტია“ (ლარში);

7.4 ავანსის სახით გადახდილი თანხის გაქვითვა მოხდება ეტაპობრივად, ფაქტიურად მიწოდებული საქონლის ღირებულებიდან შემდეგი პროპორციით: 50%-ი მიმართული იქნება ავანსის სახით გადახდილი თანხის გასაქვითად, ხოლო დარჩენილი 50%-ი დაექვემდებარება ანაზღაურებას. კომპანიის უფლებამოსილი წარმომადგენლის წერილობითი შუამდგომლობის საფუძველზე, ავანსის გასაქვითად შეიძლება მიიმართოს მიწოდებული საქონლის ღირებულების 50%-ზე მეტი თანხა;

7.5 ეტაპობრივი ანგარიშსწორება განხორციელდება მიღება-ჩაბარების აქტისა და შესაბამისი კვალიფიკაციის მქონე ექსპერტის დასკვნის (რომლითაც უნდა დადასტურდეს მოწოდებული საქონლის შესაბამისობა სააგენტოს მიერ მოთხოვნილ მახასითებლებთან მიმართებაში) საფუძველზე, ამ დოკუმენტაციის წარმოდგენიდან 10 (ათი) სამუშაო დღის ვადაში;

7.6. საბოლოო ანგარიშსწორება შემსყიდველის მიერ მოხდება საქონლის მიწოდების დასრულების შემდეგ, ფაქტობრივად მოწოდებული საქონლის მიხედვით, საბოლოო მიღება-ჩაბარების აქტისა და და შესაბამისი კვალიფიკაციის მქონე ექსპერტის დასკვნის (რომლითაც უნდა დადასტურდეს მოწოდებული საქონლის შესაბამისობა სააგენტოს მიერ მოთხოვნილ მახასითებლებთან მიმართებაში) საფუძველზე არაუგვიანეს 10 (ათი) სამუშაო დღის ვადაში;

8. ხელშეკრულების ინსპექტირება

8.1. ხელშეკრულების პირობების შესრულების მიზნით შემსყიდველი ინსპექტირების ჯგუფის მეშვეობით ახორციელებს კონტროლსა და ზედამხედველობას უშუალოდ საწარმოო პროცესის ადგილზე. ინსპექტირების ჯგუფის წევრები არიან: საგანმანათლებლო დაწესებულებების მატერიალური უზრუნველყოფის სამსახურის უფროსი ლელა სვიმონია ან/და საგანმანათლებლო დაწესებულებების მატერიალური უზრუნველყოფის სამსახურის მთავარი სპეციალისტი თამარ ნაცვლიშვილი.

8.2. მიმწოდებელი ვალდებულია ინსპექტირების ყველა ეტაპზე ხელი შეუწყოს და ყველა პირობა შეუქმნას შემსყიდველს ინსპექტირების სრულყოფილად განხორციელებისათვის.

8.3. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

8.4. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს;

9. შესყიდვის საგნის მიღება-ჩაბარების წესი

9.1. მიღება-ჩაბარება ხორციელდება ეტაპობრივად წინამდებარე ხელშეკრულების 6.1. პუნქტით განსაზღვრული წესის შესაბამისად.

9.2. შესყიდვის ობიექტი მიღებულად ჩაითვლება მიმწოდებლის მიერ მითითებულ მისამართზე საქონლის განთავსების (მოწოდების) შემთხვევაში - ქ. თბილისი, იუმაშევის ქ. N4.

9.3. ხელშეკრულებით გათვალისწინებული საქონლის მოწოდება ჩაითვლება მიღებულად მხარეებს შორის მიღება-ჩაბარების აქტის გაფორმების შემდგომ, მას შემდეგ რაც მიმწოდებლის მიერ წარმოდგენილი იქნება შესაბამისი ინვოისი/ანგარიშ-ფაქტურა.

9.4. შემსყიდველის მიერ მიღება-ჩაბარების აქტი ფორმდება საქონლის/მომსახურების მიწოდებიდან არაუგვიანეს ორი სამუშაო დღისა.

9.5. მიღება-ჩაბარების აქტზე ხელმოწერის უფლებამოსილი პირები არიან: საგანმანათლებლო დაწესებულებების მატერიალური უზრუნველყოფის სამსახურის უფროსი ლელა სვიმონია ან/და საგანმანათლებლო დაწესებულებების მატერიალური უზრუნველყოფის სამსახურის მთავარი სპეციალისტი თამარ ნაცვლიშვილი.

10. ხელშეკრულების პირობების შეუსრულებლობა, ხელშეკრულების შეწყვეტა

10.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად, ხელშეკრულებით დათქმულ ვადებში და ადგილზე. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არაჯეროვანი შესრულებისათვის ამ ხელშეკრულებითა და საქართველოს კანონმდებლობით დადგენილი წესით;

10.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ამ ხელშეკრულებით;

10.3. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ).

10.4. შესყიდვის ობიექტის საბოლოო მიწოდების ვადის დარღვევის შემთხვევაში (მათ შორის უხარისხო, არასრული მოცულობით, შესაბამისი კვალიფიკაციის მქონე ექსპერტის დასკვნის გარეშე მიწოდების შემთხვევაში) მიმწოდებელს, ყოველ დღეზე დაეკისრება პირგასამტეხლოს გადახდა ხელშეკრულების ფარგლებში დარჩენილი შესასრულებელი ვალდებულების შესაბამისი ღირებულების 0.02%-ის ოდენობით;

10.5. ერთი მხარის მიერ ხელშეკრულების პირობების შეუსრულებლობის საფუძველზე მეორე მხარე უფლებამოსილია მიიღოს გადაწყვეტილება ხელშეკრულების ცალმხრივად შეწყვეტის შესახებ;

10.6. ხელშეკრულების მხარე, რომელიც მიიღებს ხელშეკრულების შეწყვეტის გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი;

10.7. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

10.8. შემსყიდველი უფლებამოსილია მიიღოს გადაწყვეტილება ხელშეკრულების ცალმხრივად შეწყვეტის შესახებ, ასევე, შემდეგ შემთხვევებში:

ა) მიმწოდებლის მიერ შესყიდვის ობიექტის მიწოდების საბოლოო ვადის 5 (ხუთი) კალენდარულ დღეზე მეტი ვადით გადაცილების შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში;

10.9. ხელშეკრულების პირობების შეუსრულებლობის შემთხვევაში (10.4 და 10.5 პუნქტებით გათვალისწინებულის გარდა) მიმწოდებელი, ყოველ შემთხვევაზე, ჯარიმდება, ხელშეკრულების მთლიანი ღირებულების 5%-ის ოდენობით;

10.10. თუ შემსყიდველი დარწმუნდება, რომ მიმწოდებელი ვერ უზრუნველყოფს შესყიდვის ობიექტის მიწოდების დასრულებას ხელშეკრულებით განსაზღვრული ვადების ამოწურვამდე, იგი უფლებამოსილია ცალმხრივად, ვადაზე ადრე, შეწყვიტოს ხელშეკრულება.

10.11. ამ მუხლის 10.8. პუნქტში მითითებული რომელიმე გარემოებით ხელშეკრულების შეწყვეტის შემთხვევაში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება;

11. ხელშეკრულებაში ცვლილებების შეტანის წესი

11.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

12. სადაო საკითხების გადაწყვეტა

12.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

12.2. თუ ასეთი მოლაპარაკების დაწყებიდან 20 (ოცი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

13. გამოყენებული სამართალი

13.1. ხელშეკრულება დადებული იქნება საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.


14. ხელშეკრულების ენა

14.1. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულდება ქართულ ენაზე.

მხარეთა იურიდიული მისამართები და რეკვიზიტები:


შემსყიდველი:

სსიპ „საგანმანათლებლო და სამეცნიერო ინფრასტრუქტურის განვითარების სააგენტო“, მისამართი: ქ. თბილისი, ალექსიძის N1, შენობა-ნაგებობა N1, მე-2 სართული, ს/კ 202294980; სახელმწიფო ხაზინა, ა/ა 2001222200, კოდი: 220101222
დირექტორის მოვალეობას შემსრულებელი გიორგი შალუტაშვილი



მიმწოდებელი:

შ.პ.ს. „სეზანი“, მისამართი: ქ. თბილისი, ვირსალაძის N8; ს/კ 203862551; ბანკის კოდი: TBCBGE22, ა/ნ GE41TB0600000101467640; ტ: 32 35 70 02
დირექტორი ტარიელ შვერდაშვილი



პრეტენდენტის დასახელება შპს "სეზანი"

ფასების ცხრილი

შესყიდვის ობიექტის დასახელება	დასახელება	ტექნიკური მახასიათებლები	გვერდების რაოდენობა (ყდის გარეშე)	რაოდენობა (ცალი)	მიწოდების ვადა	მიწოდების ადგილი	ერთეულის ღირებულება (დღგ ს ჩათვლით)	საერთო ღირებულება (დღგ ს ჩათვლით)
გაკვეთილზე დასწრების აღრიცხვის ჟურნალის ბეჭდვის მომსახურება	I-IV კლასებისთვის ჟურნალის დაბეჭდვა აკინძვა და დაკაბადონება.	ჟურნალის გარეკანი (ყდა): ცალმხრივად ჩაკეტილი ფორმატი: A4 გაზომილ მდგომარეობაში; 28სმ/50სმ-ზე ხარისხი "ბრისტოლის" ქაღალდი, წონა: 250 გრამი. დამატებითი მახასიათებლები: ფერი 4x1, დამევი მეტანიშნები : ნუმერაცია ყდაზე(შიდა მხარეს წითელი ფერი); ჟურნალის ყდაზე მითითებული იქნება 2018-2019 სასწავლო წელი, ასევე გარეკანის ჩანაკვეთე დატანილი იქნება 2018-2019 წლის კალენდარი.	120 გვერდი (ყდის გარეშე)	15500	ეტაპობრივად, ხელშეკრულების გაფორმებიდან 30 კალენდარული დღე	ქ. თბილისი, ლილო, ივმაშვიის ქ. N4	1.51	23405.00
	V-XII კლასებისთვის ჟურნალის დაბეჭდვა აკინძვა და დაკაბადონება.	ჟურნალის შიგთავსი : (ფურცლები) ხარისხი: ოფსეტის ქაღალდი, წონა: 70გრამი; დამატებითი მახასიათებლები: A 4 ფორმატი, სითეთრე 100%-ია, დამევი მეტანიშნები: ულტრაიისფერი ფერადი საღებავი (თითოეულ ფურცელზე , ერთ ზოლად, აკინძვა თერბული მეთოდით. დაფასოვება 50-50ცალიად. შენიშვნა : დაბეჭდვამდე ჟურნალის დიზაინი შეთანხმდება შემსყიდველთან.	288 გვერდი (ყდის გარეშე)	23500			2.87	67445.00
სულ				39000				90850.00

დირექტორი
ტარიელ შავერდაშვილი



შენიშვნა:

*სატენდერო წინადადებაში საერთო და ერთეულის ფასის წარმოდგენა დასაშვებია მხოლოდ ლარებში, საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით